

# ARUBA ANSE COURANT

Diario pa Aruba



Instala aireacondi  
cionado na Bo  
Cas AWOR!!



tel. 2170

A refreshing drink  
**7-Up....**  
agents:  
**VELD STORES**

Uw kinderen  
groeten beter met  
**DOMO MELK**  
agenten:  
**VELD STORES**

**OPTIEK**  
Oranjestad  
San Nicolas  
**Spritzer**  
**Fuhrmann**

Nr. 3285

DIARAZON 12 NOVEMBER 1958

ANJA 20

## Informacionnan Di Mr. Tuin Tocante E Conferencianan Di C.T.A. Y A.S.T.A.

E viaje di diputado Henriquez y  
mr. Tuin na Estados Unidos  
tabata provechoso

ORANJESTAD: — Den dianan aki mr. Tuin, hefe di Welvaartsbureau di Aruba a duna prensa un relato tocante su experiencianan na Estados Unidos, na unda como secretario di haafdbestuur di Caribbean Tourist Association te la asisti na e reunion anual di directiva na New York y tambe e la asiti hunto cu diputado Oscar S. Henriquez, kende como punta principal riba su programa tabatin, representacion di Aruba na e „28 World Travel Congress“ di A.S.T.A., un organizacion di personanan cu ta dedica nan mes den trabaoan tocante turismo, cual congreso tambe a warde tena na New York.

E reunion di C.T.A.

E reunion aki a worde teni den oficina di srta. Lee Karwick, directora ejecutiva di C.T.A. na New York. Ademas tabata presente e presidente Rafael Benitez Carle di Puerto Rico, y e vicepresidente Donald Bain di Trinidad. E conferencia aki cual a dura di 29 di October te cu 31, mas e dos prome dianan di november, tabatin como intencion pa stipula e directiva di C.T.A. pa e aña venidero. Tambe e sistema di pagamentu di contribucion di e paisnan cu ta miembro di C.T.A. tabata un dje punto importante di discusion entre otro. En futuro e contribucion aki lo worde stipula segun e cantidad di cuartanan disponibel di hotel cu e pais tene. Tambe nan a papia tocante un sistema pa duna informacionnan estadistico di turismo door di e miembronan di C.T.A. Nan a constata cu door di e aumento di miembronan — Venezuela y Jamaica tambe a bira miembro awor, y awor tur e paisnan den Caribe mas e otro paisnan cu ta miembro di C.T.A. — e trabao di directiva general a bira mucho. Nan a dicidi di reparti e tarea awor den tres partida. Asina cu Haiti, Santo Do-

mingo, Colombia, Venezuela y Antillas Neerlandes a bin cu bago di encargo di senyor Tuin. Su tarea pues den futuro ta pa conseha e paisnan aki tocante asuntoan di turismo, e mester percura pa e contribucionnan ta worde paga na tempo, etc.

AIR CONDITIONING

Na interes di turismo den Caribe e anja aki, directiva general a dedica e suma di \$50.000.— Durante e conferencia nan a menciona tambe e congreso di ASTA, cual otro anja lo tuma lugar na Cuba. E ultimo punto di discusion tabata organizacion di un propio Centro na New York di C.T.A., un edificio na unda tur e paisnan cu ta miembro lo tin un oficina pa asuntonan di turismo. En conexcion cu e riesgo financiero di esaki nan lo forma un compania aparte pa explota e oficianan aki, pero e empresa lo keda bago di direccion y control di C.T.A.

Un detalle interesante dje reunion di C.T.A. ta e „Caribbean Night“ cu nan a tene e diasabra nochi, na principio dje conferencia den Serf-Room di Waldorf Astoria Hotel, y cual a worde duna door dje companianan grandi, cu tin interes den importacion di turismo pa Caribe, manera companianan di Alcoa, Grace Line, Panam, KLM y otronan. Via senyor Mi-

chael Kuiperi Touristenbureau di Aruba a hanja dos mesa reserva pa su invitadonan, kende specialmente tabata e „travel writers“ cu a worde invita pa e anochi aki, esta hendecan cu lo scribi articulonnan tocante Aruba.

Congreso di ASTA

Na e congreso aki no menos cu 2.000 delegado a tuma parti, y Aruba a asisti na e reunion aki como miembro asocia. Asina cu senyor Henriquez unicamente a bai na e conferencia aki como e tabatin interes den e resultadonan. Y con importante e presencia di un delegacion di Aruba tabata sin embargo pronto a keda comprobada.

Den varios hotelnan na New York e paisnan di turismo por a huur un espacio na unda nan por a exhibi articulonnan di turismo na nan gusto y pronto, gracias na cooperacion di senyor L. Bouwman di Touristenbureau di Antillas na New York. Antillas Neerlandes a logra hanja un lugar asina.

E lugar aki a hala asina atencion cu senyor y senjora Henriquez, mr. Tuin.

senyor Bouwman y hopi biaha cu yudanza di su empleadonan, no tabatin basta tempo pa atende e interesadonan. Pesci ora cu senyor Willy W. Chai di Touristenbureau di Aruba durante su vacante na Miami a dieidi di bai tira un bista na New York, nan tabata masha contentu, ora cu esaki a dieidi di duna nan un man den e suite durante resto di tempo cu e congreso ta tuma lugar.

Varios regalo Aruba por a reparti den e suite aki: naturalmente e bebida di Aruba Cucui tambe, shawl na di seda di Aruba y hopi otro articulonnan chiki.

E personanan menciona den e departamentu di Aruba, na unda tambe tabatin un bunita model di e hotel nobo di Aruba den exhibicion, a logra di haci bunita propaganda pa Aruba. Interesante ta pa menciona cu door di e cooperacion carinoso di senyor P. Wurtz di Maduro & Sons na Aruba, e „Cucui“ por a jega na tempo ainda pa por a worde reparti na New York!

Afin un pasadã gracioso ainda: e auto cu a worde rifa na fin dje congreso a worde gana pa un delegado di Rusia, awor esaki no por a dieidi ainda si e auto lo keda of lo contrario.

E proyecto di Aruba Beach Club no a worde atende na New York, segun mr. Tuin.

## ODIS MINGUS A DIRIGI PALABRA NA ROTARIAN

ORANJESTAD: — Miembran di Rotary tabata bishita di Lago ayera nachi. Cama tal, nan a haci un paseo den e refineria grandi y nan a bishita haaf. Despues a sigui un comida na Dining Hall di compania, unda e bishitantenan a scucha presidente di Lago, O. Mingus, papia tocante e concepto di dirigi un empresa.

E discurso di Sr. Mingus a cuminsa cu e gerente kende ta responsable pa mira „cu trabao ta worde haci“ — kiko cu esaki ta nifica pa cada gerente individual. El mester, segun Sr. Mingus, dirigi conferencia, contemplacion y discusionnan na accion constructivo. Esaki mester worde haci cu medio di planeamento hunto cu e deseo cu progreso, como un cambio pa lo mehor, lo ta e resultado. E presidente di Lago a splica, sin embargo, cu reaccionnan normal ta opone cambio. „Resistencia na cambio ta un di e problemanan mas significante den cualkier organizacion.

na cualkier nivel di periodo di tempo, pasobra e ta traha contra progreso of mejoracion“. No obstante, e trabao di un gerente ta pa promove progreso, haciendo e empresa su bida mas largo y reduci perdida na un minimo.

Halando un paralelo cu e clausura di empresa representa door di e miembran di Rotary, e presidente di Lago a papia tocante tarea di e gerente den buscamiento di e mehor prijsnan pa produccionnan crudo y acaba. Tambe el a declara cu e gastonan mas grandi di Lago — manera ta e caso den mayoria empresa — ta gastonan pa personal y pa asuntonan relaciona cu esey, gastonan cu a „crece a apreciabilmente desde Guerra Mundial II door di e rapido subida den sueldo y beneficiacion“.

Su remarcacion final tabata tocante reduccion di perdida na un minimo y aumento di ganashi y e tarea di directiva pa dirigi actividadnan humano „pa aconplecimiento exitoso di resultadonan identifica en adelante“. Esaki, Sr. Mingus ta kere, ta dentro di estructura di e guia di siete punta: identificacion di proposito, programacion, seleccion di personal, administracion, coordinacion, supervision y evaluacion.

## Statencollege ta bai Islanan Ariba

ORANJESTAD: — Di 13 te cu 24 November proximo, e Statencollege di Antillas Neerlandes lo haci un bishita di orientacion na Islanan Ariba.

Segun nan ta spera como 17 miembro dje college lo tuma parti den e viaje aki. Di e nueve miembran di Staten cu ta biba na Aruba, ocho ta bai: ta senjores E. Finck, A. Eman, Jacobo Erasmus, Marco Henriquez, Dominico, Croes, Oshaldo Croes, Carl Anslin y Hugh Lopez, cual ultimo ta un di e representante di Islanan Ariba den Staten.

## Directiva nobo di PPA a keda eligi

ORANJESTAD: — Dialuna atardi durante un reunion general di miembran di PPA na cas di S.E. Ministro J. E. Yrausquin, un directiva nobo a worde eligi, cual ta lo siguiente:

Presidente J. E. Yrausquin, vicepresidente Jacobo Erasmus, prome secretario E.R. Finck, 2do secretario Fabian Kelly, tesorero Marcial de Cuba y comisionario A. Flanegin, Jose Geerman, H. Martinus, E. C. Thalina, Carl Anslin, Jose Leonardo y E. O. Petronia.

## Peligro di cacho rabioso na Venezuela

ORANJESTAD: — Parce cu e ultimo simannan tabatin varios casos di mordida di cacho rabioso na Venezuela. Na Caracas e Unidad Sanitaria ta buscando 142 cacho cu parce a morde mes tanto hende durante e ultimo simannan. Apesar cu ya e mordidan di cacho rabioso a causa algun morto caba e enfermedad ta ainda na un endemisch stadium y nan ta tumando medidanan fuerte pa combati e enfermedad nialo aki prome cu e situacion bira un epidemia.

Ya tabatin 5 victima cu a muri di e malesa aki e anja aki, mientras cu den e ultimo 5 anjanan e cantidad tabata 33. Dokternan a bisa cu no tin mester di bira histerico y cu e cantidad no a aumenta. Na Caracas tin como 200.000 cacho, di cual nan 80% no tin donjo. Mas o menos ocho mil a ser vacuna, esaki ta solamente e principio. Na Venezuela tin masha hopi inyeccion contra e malesa aki, como nan ta produciela na Venezuela mes. E combate contra rabia di cacho cu nan a cuminsa ta costa mas o menos 25 mil bolivares pa luna. Al momento tin den un asilo di gobierno 209 cacho y 18 pushi hau observacion.

Tambe na Ciudad Bolivar

Mientras Caracas tin su miembran jen-combatiendo e enfermedad aki. Ciudad Bolivar tambe a laga sabi cu alla nan tambe tin e mesun caso di rabia di cacho. Al momento 173 personas ta bago tratamiento, cu a ser mordi pa cachonan rabioso durante e ultimo lunanan. Dokter a bisa cu e enfermedad a estende den varios estados di e lugar. Segun e dokter tin posibilidad pa e enfermedad estende mas y cu ta necesario pa tuma medidanan urgente y efectivo, cuminzando pa termina cu e cachonan di calla.

Na Valencia nan a prepara un campania di envenenamiento pa exterminar cu diez mil cacho cu nan hanja riba calla den oranan di madrugada y anochi. Esta cualkier cacho cu nan hanja los riba calla nan ta mata. Segun un dokter di e ciudad aki como tres persona pa dia ta bai denuncia cu nan a ser mordi pa cachonan rabioso.

Na Ciudad Bolivar un senjora bieu di 70 anja di edad tambe a ser mordi pa un cacho rabioso como dos luna pasa y awor e la ser traslada pa un hospital caminda nan ta dunele solamente 24 ora di bida. E senjora ta gravissimo y a ser mara tur na su cama pero e la destroza e cabellanan y ora nan trece awa pe bebe e ta cumenza llora mescos cu un cacho.

Otro victima di e hidrofobia aki ta un agricultur di e mesun lugar aki cu a hanja mordi como tres siman pasa y apesar cu nan a dunele tur medicina posibel pa combati e enfermedad malo aki e la fallece den un hospital.

Na La Guaira tambe varios persona a ser ataka pa e cachonan cu tin sospecha di ta contagia di hidrofobia.

Pero nan ta haciendo tur esfuerso posibel pa caba cu e enfermedad aki na tempo. Pa e caso nan e Instituto Nacional pa Higiene ta usa cerebro di carne pa hanja e cantidad di materia necesario pa trata e persona mes, mientras cu nan tin suficiente serum, pero esaki ta ser usa solamente den caso extremo, esta pa personanan cu ya a contagia y cu no a ser trata mes ora.



Nos ta mira aqui un bista di e fiesta di Coronacion di e Papa nobo Dia Mars mainta siman pasa na Roma. Nos ta mira tambe com e Papa nobo ta ser cargu i hiba den basilica di San Pedro na Roma.



**Pontra Polis**

Miedo?

ORANJESTAD: — Diasabra anochi polisnan di San Nicolas a hanja un tipo, cu den Bernhardstraat tabatin un homber ta camina cu un cucho den su nan. Esaki no ta worde permiti naturalmente y amigo T. a hanja un proces verbal pa motibo di camina cu arma publicamente.

E la hera

Den anochi di diasabra pa manece diadomingo polisnan mester a bai na un dormitorio cu tin ariba di Johnny's Bar, na unda un hende a manda un botter door di bentana dje cuarto. Fortunadamente e dama B. no a bai drumi ainda, y e danjo a keda minimo. Motibonan ta desconoci ainda.

Uno of e otro

Den e mes un anochi A.W.C. choper dje auto H-6 riba caminda principal banda di Club Wayacka, a hanja su mes dilanti un problema basta serio: dal un homber burachi cu tabata camina den caja of kita pa e homber riba e caminda cu ta slip ei. E la eschoe e ultimo cu e resultado cu e la hanja un danjo di f. 800.— na su auto. E auto a slip bai dal contra un poste di luz.

FATUM — Tel.: 1845  
Pa tur bo aseguran

Nan a trata unicamente

Senyor B. donjo di un tienda situa den Mainstreet na San Nicolas a avisa polisnan diadomingo mainta trempan, cu den anochi anterior nan a trata di drenta su negoshi. Nan a fracasa sin embargo, gracias na un watchman atento cu tabatin na warda. M.D.S., cu a pone e ladronnan na careda y asina e placa cu a worde investa den e watchman aki ta resulta un placa bon gasta.

Otro mas

Den Bernhardstraat banda di par-eela 316 Diadomingo tramerdia e pick-up A-7107 cu e chofer W.R.H. a dal cu e auto A-2368 cual M.G. tabata stuur. Danjo f. 500.—.

Y atra mas

Dialuna mainta pa 6'or y mei riba caminda principal banda di e planta di awa di mas grandi di mundo, e autonan A-5577 y A-6037 resp. cu e chofernan R.M.F. y W.E.McL. a bots cu otro. Nan no a duna otro preferencia di caminda. danjo f. 750.—.

Battling Siki a derrota Hanning

(Di nos sportreporter)

ORANJESTAD, 12 nov. — Battling Siki a realiza un di su mihor pelea contra e americano Hanning y e veredicto dje juezan tabata unanime favor di Siki. Ningun momento Siki tabata den dificultad siendo cu Hanning a muestra di ta golpear mas di un blaha. Juez Honey: Siki ocho, Hanning cero, dos empatia. Juez Hodge: Siki nuebe, Hanning cero, un empatia. Referee Smith: Siki seis, Hanning uno y tres empatia.

Stampilla na beneficio di Cruz Roja

ORANJESTAD: — Entrante prome di December 1958 hunto cu e stampillanan di costumbre di 6 cent, 7.5 cent, 15 cent y 22 cent, postkantoor lo pone stampillanan den e mes un prijsnan pero cu un extra valor (toeslag) den circulacion. Esaki lo dura mientras cu tin na existencia, pero di mas tarda te cu dia 31 di Maart 1959.

E stampillanan lo ta mescos cu e oronnan den e clausura di mes un prijs, pero unicamente den hoeki mas ariba robez lo tin un maste di bandera cu e bandera conosi di Cruz Roja.

Produccion di e extra valor (toeslag) aki, ta pa beneficio di e institucion di Cruz Roja na Antillas Neerlandes.

Riba e prome dia di circulacion dje stampillanan en cuestion, unicamente stampillanan cu ta riba cartanan e prome dia di circulacion, ta hanja e cello special di — prome dia —.

E stampillanan aki tanto pa local of pa extranheria ta valido pa franco te cu fecha 31 di December 1960 mei-anochi.

**Texas Furniture Store**  
voor  
Slaapkamermeublementen

**CINE**  
AWENOCHI  
12 DI NOVEMBER

**DE VEER THEATER**  
8.30 or  
„THE GIFT OF LOVE“  
(MILAGRO DE AMOR)  
Cw: Lauren Bacall - Robert Stack - Evelyn Rudie - Lorne Greene  
Charles Brackett - Jean Negulesco - Luther Davis  
Fls. 1.50  
Tur edad

**RIALTO**  
8.00 or  
„LA BARCA DE ORO“  
Cw: Pedro Infante - Sofia Alvarez  
Fl. 1.00  
18 anja

**PRINCIPAL**  
8.00 or  
„SEVEN HILLS OF ROME“  
(LAS SIETE COLINAS DE ROMA)  
Cw: Mario Lanza - Renato Rascel - Marisa Allasio  
Fl. 1.50  
Tur edad

**AURORA**  
7.30 or  
„FRANCIS IN THE HAUNTED HOUSE“  
(FRANCISQUITO ENTRE FANTASMAS)  
Cw: Mickey Rooney - Robert Stranoe  
Fls. 0.50  
Tur edad

**SAVANETA**  
7.30 or  
ARTISTAS UNIDAS - MARIACHIS MIL AMORES  
en combinacion cu e pelicula:  
„VENGEANCE VALLEY“  
(EL VALLE DE LA VENGANZA)  
Cw: Burt Lancaster - Robert Walker - Joanne Dru - Sally Forest  
Fls. 1.00  
18 anja

## BERLINER KAMMERORCHESTER



Diabierne dia 21 di November Arubaanse Kunstkring lo presenta su prome concierto den e teatro nobo, cu e famoso „Berliner Kammerorchester“. Ta un casualidad cu ne e orkesta aki ta haciendo un jira den Sur- y Centro America, y asina, Kunstkring a logra hanja e concertistanan aki disponibel pa ta presente durante festividadnan di apertura dje teatro nobo. Esaki ta prome biaha cu un orkesta profesional lo toca na Aruba.





# BAAS TOMMY

## y su amigonan di Arubaanse Courant

AVENTURA DEN „INFIERNO BERDE“

### JAAGMENTU RIBA COLEBRANAN

Ciencia moderna ta haci uso di veneno di colebranan di mas peligroso cu ta existi na mundo, pa traha remedi di nan y serum pa lolecta hende contra mordi dje mes un animalnan aki. Esaki ta relato di un persona cu ta encarga pa trece 'antu di colebranan di mas peligroso cu e por pa un instituto cu ta experimienta den e remediacion menciona. Su nomber ta Walter Riffler y ta hende di Austria, mas di cinco anja largu e cu su esposa a traha huntu den e peligroso mondi grandi „Infierno Berde“ di Sur-America, na unda e la pasa masha hopi aventura. Awor nos ta conta nos amigonan un di su aventura nan.

#### Jungle ta jen di peliger

Jungle, un palabra Ingles local ta nifica mondi grandi, ta semper jen di peliger y traicion. Seis siman Walter y su esposa ta na caminda pa bai na Tapajos. Segun orde ricibi e mester entrega un cierto colebra masha peligroso, cual nan tih masha necesidad di dje pa su veneno pa experimienton cu nan tabata haciendo. Su senjora tabatin masha brio y tabata un bon sacador di portret y trahador di pelicula. E biaha aki trobe e ta cu su camera di cine, y nan tin intencion pa traha un pelicula documentario di loke nan a saca den e jungle durante nan viaje nan.

#### Reptilnan por desarrola un farsa enorme

Tur dos a traha famos, esta Riffler y su senjora y nan tabata masha satis-

fecho cu e resultadonan. Cu nan boto nan tabata bai tranquilo, y gozando di naturaleza, riba un rio cu ta bai pa Itaituba. Na cierto momento un di nan guianan su nomber ta Jose, ta muestra un cantu dje rio. „Mira, senjor, un paracacusa. Aja den e palu grandi riba un taki cu ta keda net riba e awa.“

Mes ora Riffler ta bai den direccion di e plekki cu Jose a mustrele, pasobra net e tipo di colebra aki e no a logra hanja ainda pa su coleccion, apesar di tur su esfuerzo pa hanja un di nan. Mes ora Jose ta pasa man pa un dje blekinan grandi cu nan ta pone e colebranan captura aden, y e faha di cuero cu Riffler sa usa pa cohe e bestianan.

Nan tabata asina costumbr cu otro e equipo aki, di Sr. Riffler, su senjora y su ayudantenan cu no tabatin necesidad di papia mucho palabra, cada hende sa kiko nan mester haci. Asina cu senjora Riffler mes ora ta pone su camera den condicion, podiser e por logra un bunita pelicula durante cu Walter su esposo ta vang e animal peligroso aki.

Nan ta jega na cantu dje rio y Jose ta hala e boto riba e rio. Continuamente Riffler tin e colebra na vista naturalmente. Tabata falta tres brazo prome cu e jega serca di e colebra. Cu cuidao senjora Riffler ta hisa su camera, y esaki ta cuminsa zona; zzzzzzzz. Cu masha tino Pedro, otro ayudante, ta cuminsa pusha e colebra cu un palu den direccion di Riffler.

#### Di repente

E paracusa a mira su atacador awor y ta reis amenazante riba dje. Ora di repente, tur hende ta tene nan rosea aden, di banda robet di Jose ta sali cabez di un otro colebra, ni un meter distancia foi Jose.

„Cuidao,“ Riffler ta grita, pero ja tabata laat. Cu un klap enorme e boa constrictor aki ta dal contra cabez di Jose. E colebra ta bai poco patras pa bolbe dal Jose otro klap den su cabez, e biaha aki cu mas farsa. E colebra ta slip foi dje taki y ta dal un mordi den bachi cu e atacado tin bisti y den minimo di tempo e reptil a lora su mes tur rond di pachu y garganta di e infortunado. Bon cu Jose no a perde cabez, y algun seconde despues e la garra cabez dje colebra y ta tene esaki mas alew di su curpa cu e tabata por, sabiendo cu asina e colebra no por usa tur su farsa riba dje. Jose sa tambe, cu esaki ta e unico manera pa evita cu e colebra lo primie mata.



Cu tur su peso e animal tabata colga riba e hombre, kende tabata lucha cu tur

su farsa. Por ultimo e no por wanta tur e peso dje colebra y e ta cai na suela, y ainda cu su ultimo farsanan e tabata tene cabez dje animal ferroz na un distancia di su curpa.

#### Cinco meter largu

Naturalmente Riffler no a para mira esaki sin haci nada. Cu Carlos, otro ayudante nan ta garra e animal rapidamente, e na cabez, y Carlos na e rabu. Awor nan ta trata pa haci e animal aki lam di tal manera cu nan por los Jose foi su tram-pa. Jose kende su rosea awor a caba, tambe door cu e bestia a lora mas na su garganta a bai flauw.

Riffler cu Carlos ta traha cu tur nan farsa y ainda nan no por a logra saca nan companjero di e „brazo“ di e colebra. Pero porfin nan a logra. E animal sin embargo a keda duna asina tantu resistencia cu Riffler mester a dicidi di matele. E tabatin un largura di cinco meter.



Durante tur e movencionnan aki e paracusa a hui bai, locual casi sigur tabata bon ainda, pasobra si esaki tambe a ataca cu nan dos, e lucha aki por tabatin un otro fin, y podiser nos amigonan lo no por a lesa e aventura aki. Jose a bini bij atrobe, y un bitter di un remedi cu nan ta camna cu ne, pronto ta pone Jose riba pia trobe.

#### TEST BO MES

S. Bispao ta un piloto di K.L.M. Durante 17 anja e la sirbi e compania aki fiel. Y hefenan tabata masha contentu cu ne. Nunca e la jega laat, nunca e la accidenta un avion, enfin un piloto correcto.

Riba un dia e mester a bula e trajecto cu un bon avion, moderno y rapido, di Aruba pa Miami. Su carga tabata 400 kg. di post, 1200 kg. di fruta, maleta 700 kg. y 18 pasahero, no tabatin biento, tabata tempo di calma. E trajecto aki a dura net 1 ora y 20 minuut.

Tres dia despues e mes piloto aki mester a bolbe haci e mes un trajecto, pero

#### E DIABEL DEN BOTTER

Tabatin un hombre masha pover. Un dia e tabata camna tur tumba, buscando un trabao. El a camna, el a camna, te el a fada di camna. Cansa e quier a tira su curpa abao p'e sosega, ora el a weita cu e tera ey tabata tur gebaster di segura. Anto el a tende manera un stem ta sali for di e tera. El a yega poco mas acerca i el a tende un gritamentu.

„Hepa, ta quende t'ey?“ el a grita i el a wak den e tera. Loque el a mira a cay e masha strango. Un hombre ta grita i bula den un botter banda di un cabitu di bela.

„Sacami aqui for, sacami aqui for.“

Martins a buk, coge e botter tene i habri'e. E hombre a bula sali afor. El a queda mes chiquitu.

„Ay, mi bon Martins, masha danki. Lo bo weita, con lo mi recompensabo. Bo a salbami for di e cabitu di bela. Lo mi hacibo ricu. Scucha bon: Ami ta diabel. Mi ta bai drenta den barica di La Reina. Ningun hende lo no por sacami eyfor. Solamente pa bo lo mi sali. Bai cas numa.“

Martins a bai cas, E no tabata sa, cu e mester ta contento o no. E tabatin miedu di diabel ma pa es otro un banda e quier ta ricu si.

Despues di dos dia tur

e biaha aki e carga tabata algu menos, di post tabata asina poco cu no ta haci diferencia, e fruta tabata mescos y tabatin un pasahero menos. Mescos cu biaha pasa no tabatin biento. Pero e biaha aki e la bula henter e trajecto den solamente 80 minuut.

Awor e pregunta: Kiko ta motibo di e diferencia aki. Si bo sa bo aardrijkskundel-s na school bon, e pregunta no ta nada difcil. Bon exito.

Contestacion correcto otro siman.

**HONIG - Spaghetti**  
Rico den sabor

hende di e pueblo tabata sobresalta. La Reina tabata masha malu i ningun dokter no por a cur'e. Masque quico nan haci, La Reina ta sigui queja, cu su barica ta molesti'e masha. E no quier a come ni bebe. El a bira zwak i tur hende a quere, cu awor si La Reina tin idea di larga cai.

Martins a fia un flus cerca su compader i el a bai palacio.

„Shon Arey, ami por cura La Reina.“

„Ay mi bon hombre, si bo por haci e cos ey, lo mi ta masha contento. Lo mi regalabo un sacu di placa di oro. Ma mi ta quere, cu ya bo a yega laat caba, e pover no tin ni rosea mas.“

Martins a papia cu Shon Arey te ora el a hany'e sol den kamer di La Reina. Mes ora e diabel di cun'e. Habri bentana numa, esun na bo man robet.

Martins a habri bentana i diabel a curi sali, mientras Martins di cun'e:

„Wardami mas aya banda, mi tin un cos di papia cu bo.“

Mes ora cu diabel a sali for di La Reina, el a bira bon-bon. Martins a habri porta i shon Arey a queda contentisimo, cu su esposa a bira bon asina liher. Martins a hanya su sacu di placa cerca Shon Arey i di La Reina mes un cas grandi i bunita. Asina ta, cu Martins a queda ricu. Sin embargo e no tabata satisfeco. El a pidi diabel di drenta barica di un hombre masha ricu, p'e por saque. Diabel a acepta ma e di, cu e no ta haci'e mas, pasobra e mester bai cas.

Martins a bolbe bin' haya hopi placa i su fama a plama. Cada biaha e tabata pidi diabel haci e quensi aki. Te porfin diabel di un dia cun'e: „E biaha aki si mi no ta drenta barica di ningun hende mas.“

E cu diabel, e cu diabel, te diabel a acepta diciendo: „Bo cuenta, lo mi drenta, ma lo mi no sali pa bo tampoco. Bo tin mi pasenshi den un botter.“

— E ta sigui.



Mabel Chin, di 4 anja, kende anja pasa a haci un operacion di curazon cu a resulta bon, a parce dilanti di Television cu e simbolo di un institucion cu nan tin na New York pa patientnan di curazon. Aki Chin ta pidi tur hende pa duna tantu cu nan por na e institucion aki pa salba bida di mas hende.



**E LECHI MAS POPULAR NA ARUBA**



**FRIESCHE VLAG**  
— Smaak Fantastico —

### Aguila Gris y Dakota Bill

(Pa muchanan mas grandi)



NO. 7

E muchu ta duna su relato tocante e indianan cu a ataca e coche di post, ora cu e ta menciona e cantidad di nan cu tabatin, tur hende ta keda boca habri, pasobra e muchu no tabatin mas di 20, y e cambio Jim Loco a taha di segura tur hende cu nan tabata mas di mil. Pero tambe e muchu ta bisa con biente Jim a detene e coche y su pasaheronan, y claramente esaki ta cal na agreda di Jim, asina e ta keda atego di e muchu....

„Tabata biba of muri“, e muchu ta sigui, Jim a tumbá dos di nan for di cabai, y tambe e dos pasaheronan den coche tabata juda cu nan pistol.

„Si, por lo menos mitar

di nan a keda abao“, Jim ta bisa trobe.

„Kier decir 500 morto anto, un dje hendenan ta tene Jim di spektakel, y tur ta cuminsa hari trobe. Pero Jim ta haci mescos cu e

no ta tende nada. Ora cu no ta cuminele e por ta sordo cu un bom ta rementa den su orea y e no sa mes.

„Di tur manera, e resto a spanta y corre limpi bai, e ta sigui tranquil. Di un distancia nan a cuminsa tira ainda, y asina nan a mata un dje cabainan y mi pasaheronan tambe a hanja ras-cu di bala. Y e ta busca tur rond pa mira na unda nan a keda.

**Air Condition**  
your home

„Eseinan a bai den hotel serca Frankie“, e cowboy ta bisa y ta muestra den direccion dje saloon. Un lugar no muchu gaba pero cu letra grandi scirbi na entrada **GRAND HOTEL**. Y e cowboy ta bolbe puntra: „Paki-bo a bolbe anto Jim? Boso no a spanta e indianan?“

„M'a perde un cabai, bo no ta comprende“, Jim ta bisa bon furioso. Ademas mi tabatin dos hende cu mester di dokter, y tambe mi no tabatin mas bala pa mi pistol ni mi scopet.“

„No, esei lo tabata suicida“, un fulano bon bisti ta reconece. Na su manera esaki tabata un hungador di placa. „Ta bon Jim, nos sa masha bon, cu bo no tin miedu di nada.“

Tur hende ta di acuerdo cu esei y Jim Loco tabata grunja di satisfaccion. „E muchu tambe ta un guapo, Jim ta bisa, y un bon tercio pa traha cu ne. Cu gusto mi kier un ayudante asina den temponan aki.“

E muchu ta bira corra te den su raiznan di su cabai, pero e no ta laga ningun hende sa con orgulloso e ta sinti su mes, e ta kita su sombre y pasa man den su cabainan brucha, laga pasa

cu e ta sinti su mes doodge-woon.

„Arti Glow, cu ta mi ajudante no kier bai mas awor cu e indianan ta ataka nos tur ora asina“, Jim ta sigui. „Si e hoben ei kier, mi ta regla tur cos pe na kantoor.“

**En .... MESKER maakt mijn MEUBELN**

E tercio bon bisti, ta puntra: „Kiko Jim, anto bo di cu bo no kier traha mas riba e coche di post“.

„Ami, nunca Jim ta bisa, mi tin senjora y jiu pa mantene y mi no por entrega mi job na e manera ei. Loke mi ta bai haci awor ta percura pa semper mi tin hopi bala huntu cu mi. Y laga e indianan bini numa. Unicamente mi kier hanja e bandidonan mas grandi manera Sitting Bull y Gray Horse hefe dje indianan pa mi muestra nan ta ken ta Jim.“

E sonrisa riba su cara y jen di chansa ta cambia mes ora cu e ta mira cara dje mucha hala disgusta.

„No Jim, Sitting Bull y Crazy Horse no ta bandido“

e ta bisa calmo. „Mi conoce nan masha bon“.

Un silencio tremendo.... E hendenan di e pueblo un ta keda mira otro boca habri.....

— E ta sigui



Un abrazo cu a resulta den un fracaso.... esta un situacion famia di Pamela y Alexander ta hanja nan mes aden!



# St. George Hall di Comunidad Anglicano a keda inaugura pa tijdl. Gez. Arends

(Di nos correspondencia na San Nicolas)

SAN NICOLAS. — E ciudad aki a keda inaugura pa tijdl. Gez. Arends. E edificio aki ta un tamaijo cu ta representa un comunidad anglicano, amigonan invitado, entre cual tijdelijk Gez. Arends, Teagle di Lago Publico Relas y otro distinguido representante di nos isla.

## Pelicula pa mucha na beneficio di Casa Cuna

ORANJESTAD. — Den e teatro aire-libre na Oranjestad, Diabierne awor, lo worde pasa un pelicula extra special pa muchanan, cual produccion lo bai henteramente na beneficio di Casa Cuna. Seis pelicula bunita ta para riba e programa. E presentacionnan lo cuminsa 7'or en punto!

Den e anuncio nos a nota cu nan ta pidi 25 cent pa entrada, pero mesteran por duna nan jiu poco mas tambe: organizadornan lo no nenga e planann.

## Expertonan Mericano a declara cu Merca tin raket cu por alcanza Mars y Venus

WASHINGTON, 11 nov. — Expertonan Mericano riba terreno di raket a declara cu ya Merca tin raket cu por alcanza e planetanan Mars y Venus.

# PAGINATRES

## Gran Celebracion Di Prome Aniversario Di Club Federacion

(Di nos correspondencia na San Nicolas)

SAN NICOLAS. — Den edificio di P.W.F.A.-Club, buelta decora y netchi di verfi, diadomingo pasa prome anja di existencia dje Club aki a worde celebra. E edificio aki antes tabata di Excelsior Community Brass Band y ta situa na Weg Serre Pretree. Na cada banda dje podio tabatin e banderanan Hulandes, Americano, Venezolano y Ingles, mientras bandera dje club mes tabata bula den top di e clubhuis.

Varios bouquet di flor tabata amentre e alegria y e buntesa dje fiesta. Entre hopi di esnan presente nos a mira: senjores E. Petrovia, deputado di nos isla, miembro di Staten C. Anslin, miembro di Eilandsraad Leonardo, representante di Club Federacion di Corsow, senjores H. L. Spencer y J. H. Noordwijk y representante di otro clubnan.

Cu e himno nacional Hulandes e anochi di fiesta ta principia. Senjor J. Hernandez, kende tabata e maestro di ceremonia, ta duna tur hende un bon bini y ta gradici nan pa nan presencia. Cu un cierto orgullo y alegria e ta menciona e realizacionnan dje club aki riba terenonan social y cultural durante e anja cu a keda tras di lomba y ta invita tur esnan presente pa tuma un briedi na honor dje club.

E unico dama cu a huci un discurso e anochi aki tabata senjora Elma Candwood, reina di carnaval di e club, kende ta felicita e club cu su exitonan durante e anja y ta desea bendicion di Dios riba e club aki, e miembronan y e lidernan. Despues senjor C. Boatsman ta tuma palabra, kende ta miembro di club-comite. E ta haci un relato tocante hecnonan dje club. E ta menciona varios dje subcomitenan, nan trabonan y tambe cifra nan cual claramente ta comproba cu nan en realidad no a sinta ketu. Mester worde observa cu e miembronan por haci compranan den nan club na prijsnan masha favorable.

Siguiente orador tabata senjor Anslin, kende un anja pasa tempo di inauguracion dje edificio dje club tambe a

dirigi palabra na e invitadonan Orador a papia tocante Libertad di miedu. E ta spera cu e miedu cu e obreronan tin y cu ta stroba nan di bira miembro di PWFA lo kita y cu otro anja durante celebracion di e segundo aniversario e edificio dje club aki lo ta chiki pa carga tur e miembronan. (Vet Red.)

Senjor H. L. Spencer di Corsow a expresa su mehor deseonan na e club y ta spera cu semper e club lo sigui padilanti.

Senjor H. Diaz, miembro di club-comite ta gradici tur esnan cu a duna nan yudanza durante e anja termina y a dirigi palabranan di elogio na senjor Wim Scholl di Mercurius Trading pa su gran cooperacion cu e club durante e anja.

Senjor J. H. Noordwijk di Club Federacion di Corsow tabatin hopi di confia y a tene su discurso na Hulandes, e ta trese saludo y deseonan di e 7.000 miembronan di Club Federacion na Corsow. E ta spera cu e obreronan di Aruba lo sigui ejemplo di nan companjeronan di Corsow y bira miembro di Federacion.

E ultimo oradornan e anochi tabata senjores E. Petrovia y Leonardo, kende a expresa nan mehor deseonan pa e club y sperando cu hopi miembro lo bini acera y cu e club lo hanja mas forza semper bai.

Afin senjor Hernandez ta gradici tur e oradornan pa nan discursonan y afectuosos deseonan.

Conjunto „Sensacional“ a zorg despues pa e piso di baile tabata jori di parcha continuamente te laat den anochi.

## Cumpleaños feliz

Pa cortesia di  
**Mario**  
— nos tin tur cos pa bo fiesta —

Senjora Violeta Wester ta celebra su 22 anja di edad. Felicitacion ta bini di su estimado esposo Napoleon Wester, 3 ihanan Harold, Dantian, Lucrecia Maduro, Lourdes Thode.

E hobencito Thomas Paesch ta celebra su feliz cumpleaños y ta ricibi felicitacion di su tata, mama, rumanan, Irena, Alejandro, Ambrosio, Isidora, Helena, Evaristo, Bernadette, S'novio, Chichi, welo, tantanan, primo y primanan, familia Wever, De Cuba, especialmente di Arcadio Werner y demas familia.

Awe ta celebra su fecha natal senjor Felix Martin Figaroa. Sincera felicitacion ta bini di su esposa Rosalinda, 5 jiuana Frida, Alicia, Beatrix, Winanda, Rosendo y demas familia Figaroa.

Awe nochi 9'or via  
**VOZ DI ARUBA**  
un programa special  
di  
**MARIO'S**

Awe ta cumpli su 3 anja di feliz existencia. Felicitacion ta bini di su mama, tata, rumanan, muy especialmente di su sobrina Elly Dijkhoff, pepe y omu y tambe tur su amiguitanan y amiguitonan di Jeugd Centrum di Tanki Leendert.

Awe ta cumpli 16 anja di feliz union matrimonial e distinguida pareha Juan van den Berg y senjora Arselia Solonier van der Berg, pa cual motivo nan ta ricibi miles di felicitacion di nan jiuana Reminio, Lorenzo, Laurano, Ali, Ramon, Cecilia, mamanan Tina, Emilia, tata Marcelo Solonier, compadre Emiliano Maduro, comadre Felicitia Wouters y di familia Solonier y van den Berg.

Ta cumpli 10 anja di feliz existencia e hobencito Emiliano Wouter. Felicitacion ta bini di su tata, mama, tur su rumanan, wela y welo, tanta y omonan primo y primanan, padri nan Florito Ras y Capi Maduro, madrina Seferina Ras tur su amigonan di 4de klas di Don Bosco School.

PA TUR SORTO  
di  
**INSTALACION**  
di  
**LIGHTING**  
**FIXTURES**  
**ELINCO**  
Tel. 1364 - Dakota

**GEZOCHT**  
Voor licht kantoor- en magazijnwerk  
**EEN GEPENSIONEERD POLITIEAGENT OF AMBTENAAR**  
Salaris ca. NAf 200.— p.m.  
Brieven onder letter N. bureau van dit blad

## BUREY THOMAS Y SU ARTISTANAN CU LO YEGA ARUBA AWE



Awe Burey Thomas y su artistanan lo yega Aruba. En total nan ta ocho: Burey Thomas, Bill Trötman (e comico), Aphne Sheppard, Janet Simon, Margaret Francis, Juanita Henry, Reynold Phillip y Owen Roberts. Riba e foto, un parti dje artistanan den accion.

## Un matrimonio pa salvacion pa TUYUCHI

No. 40

...por ta posible cu condesa Ryeburn por ta haci un tal invitacion. Entraste mester tabata net contrarie, mester ta bira desina pa casa cu un min. Te Armin a casa cu e den e kapel na Lisboa. Huno nan a casa ariba e corda y pregunta cu e sigioso a haci na dje i Armin aroglia dilaanti pia di altar. Nan a hura stima otro i d ta esposa. esposo.

...Lastimamente e matrimonio no ta valido, pero pa Dios i pa nan meenshi, nan tabata casa cu otro. Sin embargo pa no larga e muhe i comprende quico tabata pasa n su mente, el a responde lihe: „Un invitacion pa Lancendene. Esai loque nunca mi por a spera di bo. I bon i simpatica bo ta, Lady Clarisa“.

„Mi ta desea pa bo bini aja“, e denesa a ripiti. E n' tabata sa quico e mester a antesta e momento ai. E n' tabata cu lord Ryeburn lo tabata desea presencia aya; e asunto aqui lo r a bin bira un poco penosa pa n tur dos i un poco risca di mas. E n' tabata importante; nan bataba eustumbra na sufi. E quier puntra lord Armin prome cu e muhe aqui cualquier contesta. „Ta sinti masha tanto cu mi no por contesta bo esaki en seguida“, e muhe muhe a duna pa contesta, pa bira prome cu mi contesta bo, mi a di pensa mi bon.

„E tin un amante“, Lady Clarisa pensa unbez. I e ora ai el a sinti un subito sensacion di alivio, cu a inclina di sea as bondadosa cu e hoben mahesosa Spanjol.

„Qui dia bo por bisa mi cu mi invitacion?“ el a puntra. „Mi ta forando un partida pa Lancendene i ni mi ni Lady Ryeburn no ta contento cu bo mester ta ausente na e ocasion qui pasobra ya bo a bira cabn miera un familia“.

Inconscientemente e dos rivalnan qui tabata rivaliza den bondad. „Si bo por duna mi solamente tres ia, anto lo ni por duna bo un con-

...pero, bo ta gusta di mira Lancendene“.

Insensiblemente su boz a bira triste den su wowonan a resplandee e luz di amor.

Cu e dushi tono cu tabata caracteriza su bon caracter Carmen a responde: „Com mi por larga di ta gusta un luga asina. Pero lastima cu no ta tur ora hende por haci tur loque nan ta gusta. Quico haci? Quico lo socede si mi rehusa? Mi ta bai mira cu mi por hanja un excusa satisfactoria“.

„Mi ta quere cu lo ta mehora bo bam Lancendene nuna“, e lord a contesta pensativo. „Un rechazo na e simple invitacion aqui lo queda malo i hasta lo e por lanta sospecho“.

„Mi ta gradici bo pa e e ntesta na mi pregunta. Lo mi bai Lancendene anto, como bo ta hanja cu esai ta mas combiniente pa mi. Boa dia“.

Su manee ora cu Carmen a tova cu Lady Clarisa el a bis'e cu e ta dispuesto na acepta su invitacion i Lady Clarisa a responde: „Mi ta sinti mi masha alegre cu ta bai aya cu nos. Mi ta priminti bo cu di mi banda lo bo pasa mas bon cu por aya. E ta un luga hermoso i pintoresco i mi tin e seguridad cu lo bo guste tambe“.

Despues di esai ningun hende mas no a preocupa nan cu Carmen ta bai si of no i ningun hende no a menciona e asunto ai tampoco mas.

Deliberadamente Carmen a aumentado e distancia cu tabata separa for lord Ryeburn. Den su cara hende por a mira cu tabatin algo cu tabata conch'e di ser prudente dia cu nan bin bise cu e mester bai Lancendene.

Porfin a yega e dia di bai Lancendene. E condesa viuda, Armin, Clarisa i Carmen a sali Ryeburn Hall. E vehiculo a hiba nan stacion.

Tabata den periodo di Mei, e Mei cu e poetanan ta canta den nan verso tur fragancia i armonia, tur luz i flor. Lancendene hamas por tabata bunita manera awor i no tabatin palabla pa splica suficientemente com bunita e luga aqui tabata brill den tur su splendor i abundancia bao di poder i milagro di naturaleza. E limoneronan tabata tur na flor i nan perfume tabata embalsama aire; e castanjanan tabata parece ramillete nan.

mester tabata di dje e luga di eual asina tanto el a sonja. Ni den e momento aqui ainda e no tabata risca abri su wowo di hiza esaki mira lord Ryeburn. E tabata comprende su pena cu no tabata menor di esun di dje.

E tabata percursa pa e no move bai mucho na lado di lord Ryeburn den e casa. Ai, qui distinto el a figure e yegada di su cas tempo cu ainda Armin a primintu cu tur esquinan lo tabata su propiedad tempo cu nan tabata namora i a casa na Lisboa. E tempo ai e tabata bai ser esposa di lord Ryeburn, e muhe adorado i hermosa. I awor nan tabata pas'e manera e tabata un stranjera, mientras tur e grito i saludonan di bonbini tabata dirigi na e condesa hoben. I e eos di mas penoso tabata cu lord Ryeburn mes mester a ricibi i saluda Carmen como si fuera esaki tabata un stranjero den e cas aki.

Porfin nan a alcanza Lancendene, e luga cu tabata asina tanto gusta pa tur esnan cu a conoce. Quiza sabiendo loque el a sufi, e no tabata aventura pa bai aya. Quiza lo e no a ser ricibi tampoco cu asina tanto hubilo, pasobra e tabata un poverita sin familia. E cu a sacrifica e gran deseo di su bida na sirbi mama dje homber cu asina tanto el a stima, no por a soportar mirada dje cas aki. Su pena tabata di mas i el a hui for tur hende i a bai busca alivio den soledad den parque. I alzando su brazanan na cielo, el a suspirar: „Tata di misericordia, perdona mi, pasobra mi no pot mas“.

Huyendo asina mitor loco pa e dolor i e pasion cu tabata tormento, na un momento dado cu el a bini manera na su mes, el a abri wowo i a hanja lord Ryeburn su dilanti.

Un solo mirada tabata suficiente pa e lord a comprende tur cos. El a para un rato teniendo e mucha muhe su mannan tembloroso.

„Carmen“, el a grito. I tur e amor cu tabata acumula den su curazon a revela den e sola palabla: „CARMEN“.

Pero e mucha muhe a retrocede. „No bisa mi nada. Mi n' quier tende nada. Por Dios, hael mi un gran favor, Armin. Ni un palabra mas“.

Pasion i pena a domine; pero o tabata honesta. Ni un palabra mester a ser cruza entre nan dos cu no tabata digna.

El a scapa di su presencia i e lord tabata para ta contemplan largo rato.

El a comprende su dolor i aunue cu e por a paga un fortuna pa e consola na e momento ai, sin embargo e tabata conoce e mucha muhe su caracter. I e tabata sa tambe cu tur su esfuerzo lo tabata enbano.

„Dios ta yuda nos dos“, el a bisa. „Bida ta cruel i destino ta duro“.

CAPITULO XVIII  
E bida na Lancendene, cu na apariencia tabata tranquil i pacifica, en realidad tabata extranjeramente penosa.

Lord i Lady Ryeburn a invita un gran numero di amiga i amigonan i un blaha mas e antiguo Hall tabata asiento di hospitalidad di mas noble.

E condesa a larga haci un baile i hamas lord Ryeburn a lubida e circunstantianan cu a acompaña esai. E comarca di mas selecta tabata presente na e baile aki i e fiesta tabata brill den tur su splendor. E principal salonnan tabata abri. E invemaderanan tabata brillantemente iluminas.

Lady Clarisa a aparece brillantemente cu su traje oro i balneo, ostentado e brillantenan rico, regalo di boda di su tata.

Su cara hechicera tabata brill den placer estando senjora i maestra dje mansion regia aki.

Carmen a roga nan na principio di permittie di no tuma parti na e baile, pero Lady Clarisa no quier a tende tal cos.

„No“, el a bisa. „Bo mester asisti na e baile, pasobra t'esai ta un dje atraccion mayor. Su cara Spanjol mester forma gran contraste denter dje Inglesnan blond. No bisa mi no. Carmen. M'a pensa caba loque bo mester histi i no desenganya mi. Mi ta desea pa bo bisti un mantilla Spanjol i un flor den bo cabecan. Lo bo quier complacer mi?“

„Bo tin realmente empenjo?“ Carmen a puntre.

„Si... realmente. Mi ta pidi bo esai como un favor. Lo bo sea un dje atraccion di mas grandi“.

„Lo mi quier a complacer. Pero actualmente mi no tin gracia absolutamente den asuntonan di baile“.

„Pero bo ta asina hoben, asina bunita. Carmen“, e muhe a responde stranjo, sin sa quico mas pena awor.

„E asunto ta cu mi no tin custumbrer di presencia sorto di dibernacionnan asina“, el a blama como replica.

„Bo no mester huzga manera bo pot

Pa aviso y tur correspondencia pa „Arubaanse Courant“ dirigit na: Houtstraat 1116, Oranjestad. Telefon 1116. Redaccion y Suscripciones: Houtstraat 1116, Oranjestad. Cuentu pa correo aberti na San Nicolas na Union Store, Mainstraat.

**AGENDA**  
Diarazon 12 di november  
C I N E  
DE VEER 8.30: The gift of love  
RIALTO 8.00: La barca de oro  
PRINCIPAL 8.00: Seven hills of Rome  
AURORA 7.30:  
Francis in the haunted house  
SAVANETA 7.30: „Artista Unidas“ — „Mariachi mil amores“ in combinacion mei de film: Vengeance valley

**TAORO - MANGO juice**  
**BOTICA DI WARDA**  
Botica Aruba

**AIR CONDITIONING**

**PARTERA**  
Zr. E.S.T. Braumuller — tel: 1355  
Wilhelminastrat 22.

**INTERNATIONAL B. F. GOODRICH TIRES**  
Prijs vanaf Fl. 30.—  
**S. N. ECURY N.V.**  
ECURY MOTORS LTD.

**RADIO VICTORIA PJAG**  
920 Kc — 326 Meters

Diarazon 12 di november  
5.00 Musica de Banda  
5.15 E Bijbel babri  
5.30 Interludio musical  
6.00 Ultimas noticias  
6.15 Cafe con musica  
6.30 La Voz del Evangelio  
6.45 Tesoros musicales  
7.00 Noticias  
7.05 La hora del concierto  
7.30 Luz y verdad  
8.00 World News  
8.15 Miracles y melodies  
8.30 Back to The Bible  
9.00 Musical Gems  
9.30 Haven of Rest  
10.00 Sign-Off

**BO KIER VERF? ANTO HACIE BONI - HACIE CU HORNACI**  
Folders especial cu instruccion disponibel sereu: J. E. P. Cabenda  
Oranjestad - tel. 1539

**RADIO CARACAS TELEVISION**  
Canales 2, 7 y 10  
Miercoles 12 de noviembre:  
7.15 Marcha oficial  
7.20 Informacion sobre los programas del dia  
7.30 Lo de hoy  
9.30 Pelicula  
11.00 Cita a las once  
12.00 Show de las doce  
1.15 Si novela FAB-ovita  
1.30 Pelicula  
4.00 Club femenino  
5.00 Cosas de mujeres  
5.30 La perfecta ama de casa  
6.00 Circo en el aire  
6.15 Cortos  
6.45 Pelicula del Oeste  
7.00 Bar Toscano

Mas di 70 anja di experiencia ta poni den cada MERCEDES BENZ. Abo tambe por probeccha di esaki.

**KUSTERS TRADING CO.**  
Oranjestad tel. 1012

7.15 Novela Unico  
7.30 Papa lo sabe todo  
8.00 El Observador Creole  
8.15 Novela Palmolive  
8.30 Venezuela pintoresca  
8.45 Tema con variaciones  
9.00 Novela Camay  
9.15 Novela L & M  
9.30 La revista de Bin-Ben  
10.00 Bingo general  
10.30 Cine-programa  
12.00 Marcha oficial

**y... MESKER ta dreeha**  
**MUEBELNAN**

**Pa e calor insoportable**  
  
no tin nada mehor cu un  
**ABANICO ELECTRICO**  
Acendi na:  
**S. N. ECURY N.V.**  
Diferente tipuron di Fl. 35.—  
pa riba.

**Zelig is HONIG - Spaghetti**

**„VENEZUELA GRAFICA“**  
obtenible na UNION STORE  
Mainstreet - San Nicolas

Bo ta sinti bo manera un „Ray“  
org bo ta bebe Cerbez.  
— ORANJEBONBOMBER —

(E ta sigui)



